

Di acuerdo cu Formador Evelyn Wever-Croes

# Sindicatonan ta hunga un papel importante pa gabinete wever-croes II

**DIARANSON** 20 di juli a continua e reunionnan cu stakeholders den nos comunidad en cuadro di formacion di Gabinete Wever-Croes II. E prome area di e reunionnan diaranson tabata cu sindicatonan.

Fundacion Maneho di Adicion Aruba (FMAA) y Sociaal Psychiatrische Dienst (SPD) y a delibera cu nan riba e problema di salud mental. Siman pasa a papia cu Respaldo cu

Esnan presente den e reunionnan tabata: CUA, Francis Saladin; FMAA, Randall van Trigt; SPD, Dargis Montalvo; SIMAR, Josephine Albertus; SPA, Rodney Solognier; SADA, Eduard Maduro; STA, Diego de Cuba; FTA, Hubert Dirks; SETAR, Roland Croes y ADS, Marielle Ho-Kang-You.

Despues di cada seccion di 45 minuut cu Prome Minister Evelyn Wever-Croes y Lider di RAIZ Ursell Arends, cada representante a haya turno pa duna nan declaracion na prensa y duna e oportunidad pa prensa haci pregunta.

“E di 4 dia di e reunionnan cu stakeholders den cuadro cu formacion di Gabinete Wever-Croes II tambe a bay bon. Hunto cu RAIZ nos a tene e reunionnan aki entre e integrantenan di ambos partido y nos a haci diferente palabracion pa continua cu e diferente stakeholdernan aki unabes e Minister encarga ta apunta”, Prome Minister a duna di conoce.



A reuni cu 8 sindicato: SEPPA, TOPA, SIMAR, SADA, SPA, SINBA, STA y FTA. A base di e reunion aki por a scucha kico p’e sindicatonan ta importante pa Gobierno tene cuenta cu ne den un acuerdo y periodo di gobernacion nobo. Nan a trece puntonan dilanti cu ta regarda nan miembronan y Aruba en general. Nan enfasis ta riba e bienestar y posicion di e trahador.

Tambe a reuni cu Comerciantenan Uni Aruba (CUA) y cu SETAR. Ambos cu e miranan riba desaroyo economico y kico CUA ta considera di ta di importancia pa e empresanan mediano y chikito na Aruba. SETAR a duna nos su vision y con nan ta bay atende cu e cambionan grandi y liher den tecnologia den futuro y mantene e compania como un compania cu ta keda haci ganashi y draai stabiel pa por duna e servicio adecua.

Riba e tema di Salud, a reuni cu

t’e cuida specialisa den cuadro di salud mental. E dos organisacionnan aki a presenta un vision con nan lo por traha hunto y bringa e problemanan mental cu nos tin aki na Aruba. Nan a conta tambe kico tur nan ta haciendo caba especialmente SPD cu ta atende esnan cu hañanan den cualkier problema di salud mental den famia of cu pashentnan y con nan ta atende cu esaki. Nan a entrega un presentacion hopi profesional.

Cu e Asociacion di Dentista na Aruba, Aruba Dental Association a scucha di nan banda con nan ta mira e desaroyonan y a expresa nan preocupacionnan riba e gastonan di cuida dental ya cu no ta tur cos ta wordo cubri pa AZV y kico t’e futuro p’e area aki y pone cuida dental mas halto riba lista di prioridad di cada ciudadano.